

cessoribus licentiam indulgemus in gravioribus negotiis sedem apostolicam appellare, nec appellantes ante negotii finem læsio ulla contingat, quatenus auctore Deo in sanctæ religionis studiis quieti ac seduli permanere possitis. Si quis igitur in posterum, hanc nostræ constitutionis paginam sciens, contra eam venire tentaverit, secundo tertiove commonitus, si non satisfactione congrua emendaverit, potestatis honorisque sui careat dignitate, reumque se divino iudicio existere de perpetrata iniquitate cognoscat, et a sacratissimo corpore ac sanguine Dei et Domini nostri Redemptoris Jesu Christi alienus fiat, atque in extremo examine districtæ ultionis subiaceat. Cunctis autem eidem loco justa servantibus sit pax Domini nostri Jesu Christi, quatenus et hic fructum bonæ actionis percipiant, et apud districtum Judicem præmia æternæ pacis inveniant. Amen.

Ego Innocentius Catholicæ Ecclesiæ episcopus subscripsi.

Ego Willemus Prænustinus episcopus subscripsi.

Ego Joannes Ostiensis episcopus subscripsi.

Ego Guido Tiburtinus episcopus subscripsi.

Ego Goselinus presbyter cardinalis tituli Sanctæ Cæcilie subscripsi.

Ego Joannes Sancti Chrisogoni presbyter cardinalis subscripsi.

Ego Petrus presbyter cardinalis tituli Equitii subscripsi.

Ego Ubustus presbyter cardinalis tituli Sancti Clementis subscripsi.

Ego Rusticus presbyter cardinalis tituli Sancti Ciriaci subscripsi.

Ego Gregorius diaconus cardinalis tituli Sanctorum Sergii et Bacchi subscripsi.

Ego Albertus diaconus cardinalis tituli Sancti Theodori subscripsi.

Ego Willemus diaconus cardinalis tituli S. Mariæ in Via Lata.

Datum Rothomagi per manum Almerici, sanctæ Romanæ Ecclesiæ diaconi cardinalis et cancellarii, septimo Idus Maii, indictione nona, Incarnationis Dominicæ anno 1131, pontificatus domini Innocentii II papæ anno secundo.

XIV.

Domus hospitalis Falesinæ, assensu Henrici Anglorum regis a Gonfrido conditæ protectionem suscipit possessionesque confirmat.

(Anno 1131, Maii 9.)

[*Neustria pia*, p. 751.]

INNOCENTIUS episcopus, servus servorum Dei, dilecto filio GONFRIDO, salutem et apostolicam benedictionem.

Ex injuncto nobis a Deo apostolatus officio, religiosi desiderii debemus assensum præbere, ut fidelis devotio celerius sortiatur effectum. Quocirca dilecte in Domino fili Gonfride, tuis postulationibus clementer annuimus, et hospitalem domum de Fale

asia, consensu charissimi filii nostri Henrici, gloriosi Anglorum regis, a te constructam, et scripti sui pagina roboratam, sub B. Petri protectione suscipimus, et apostolicæ sedis robore communimus. Statuimus igitur ut quæcunque bona, quæcunque possessiones, concessione pontificum, largitione regum vel principum, oblatione fidelium, seu aliis justis modis, eidem loco collata sunt, vel deinceps, præstante Domino, conferentur, nullus auferre vel minuire audeat, sed omnia integra conserventur, pauperum usibus, pro quorum gubernatione et sustentatione concessa sunt, omnimodis profutura. Si quis itaque locum ipsum temere perturbare, aut ejus possessiones auferre vel minuire forte tentaverit, indignationem BB. apostolorum Petri et Pauli et nostram incurrat: conservantes autem, peccatorum remissionem et eorumdem apostolorum gratiam consequantur.

Datum Rothomagi vii Idus Maii.

XLVI.

Didacum archiepiscopum Compostellanum vocat ad concilium Remis celebrandum. — G. subdiaconum commendat.

(Anno 1131, Maii 19.)

[*FLOREZ, España sagrada*, XX, 525.]

INNOCENTIUS episcopus, servus servorum Dei, venerabili fratri DIDACO Compostellano archiepiscopo, salutem et apostolicam benedictionem.

Pro unitate Ecclesiæ conservanda, et schismate quod nuper in sancta Dei pullulavit Ecclesia rescando, utile duximus consilio fratrum nostrorum episcoporum et cardinalium proxima B. Lucæ festivitatem Remis præstante Domino concilium celebrare. Ideo fratres et filios nostros archiepiscopos, episcopos, abbates, et alios religiosos ac sapientes viros Alamanniæ, Lotharingiæ, Franciæ, Northmanniæ, Angliæ et Hispaniæ convocare decrevimus. Per præsentia igitur scripta et charissimum filium nostrum G. sanctæ R. E. subdiaconum fraternitati tuæ mandando præcipimus, quatenus omni occasione remota præfato termino ad nostram præsentiam venias, ut tuo et aliorum fratrum nostrorum freti consilio valeamus, et errata corrigere, et quæ ad honorem Dei statuenda fuerint suffragante ipsius gratia stabilire. Prædictum vero filium nostrum D. G. quem paternæ affectionis brachiis amplexamur, tibi, quem specialiter diligimus, attentius commendamus, rogantes ut eum pro reverentia B. Petri, et charitate nostra benigne recipias, et honeste pertractes.

Dat. Belvaci xiv Kal. Junii.

XLVII.

Ad abbatem Cluniacensem Petrum. — De centum marcis in Angliā ab Henrico rege datis.

(Anno 1131, Maii 20.)

[*MANSI, Concil.* XXI, 407.]

INNOCENTIUS episcopus, servus servorum Dei, dilecto filio PETRO Cluniacensi abbati, ejusque successoribus regulariter substituendis, in perpetuum.

Donationes et beneficia quæ ad sustentationem A fratrum a regibus, principibus et aliis juris religionis amatoribus sacrosanctis præstantur ecclesiis, tanquam ea quæ divini juris effecta sunt, auctoritate apostolica volumus communicare. Per præsentis itaque scripti paginam, donationem a charissimo filio nostro Henrico illustri et glorioso Anglorum rege de centum marcis argenti per annos singulos Clunia-censi monasterio persolvendis factam, sexaginta videlicet in telonio Londoniensi, et quadraginta in telonio Lincolnensi, apostolicæ sedis patrocinio roboramus. Hæc autem donatio apud Rothomagum ab eodem filio nostro Henrico rege, Incarnationis Dominicæ anno 1131, indictione ix, mense Maio, die Dominica in nostra et fratrum nostrorum præsentia facta est, Guillelmi scilicet Prænestini episcopi, Joannis tituli S. Chrisogoni, Humberti S. Clementis, Rustici S. Cyriaci, Gozelini S. Cæcilie, presbyterorum cardinalium; Gregorii SS. Sergii et Bacchi, Aimerici cancellarii, Guidonis S. Mariæ in Via Lata, diaconorum cardinalium; Oldegarii Terra-conensis, Hugonis Rothomagensis archiepiscoporum; Gaufridi Carnotensis, Joannis Lexoviensis, Joannis Sagiensis, episcoporum; Bernardi Clarævallis, Sugerii S. Dionysii, Bosonis de Bacho, abbatum; Guillelmi comitis de Warena, Roberti filii ipsius regis comitis de Gloecio, Roberti de Sigillo, Roberti de Laba, Rabelis camerarii de Tancarvilla, Nahelis thesaurarii, Haalonis prioris Sancti Osqualdi. Decernimus ergo ut nulli omnino hominum liceat præfatum monasterium super eadem donatione futuris temporibus infestare, aut eam auferre, minuire, vel ausu temerario fatigare; sed integra conservetur, eorum pro quorum gubernatione et sustentatione concessa est usibus profutura. Si quia igitur in posterum ecclesiastica sæcularisve persona hanc nostræ confirmationis paginam sciens, etc.

Ego Innocentius Catholicæ Ecclesiæ ep. subscripsi.

Ego Guillelmus Prænestinus episcopus, subscripsi.

Ego Joannes Ostiensis episcopus, subscripsi.

Ego Guido Tiburcius episcopus, subscripsi.

Ego Gregorius diaconus cardinalis SS. Sergii et Bacchi, subscripsi.

Ego Joannes tit. S. Chrysogoni presb. card. subscripsi.

Ego Ulbertus tit. S. Clementis presb. card. subscripsi.

Ego Goselinus presb. card. tit. S. Cæcilie, subscripsi.

Datum Belvacæ per manum Aymerici S. R. E. diac. card. et cancellarii, xiii Kalend. Junii, indict. xi, Incarnationis Dominicæ an. 1131, pontificatus vero domini Innocentii papæ II anno ii.

XLVIII.

Clero et populo Atrebatensi Alvisum episcopum commendat,

(Anno 1131, Jun. 18.)

[BALUZ., *Miscell.* II, 164.]

INNOCENTIUS episcopus, servus servorum Dei, di-

lectis filiis clero et populo Atrebatensi, salutem et apostolicam benedictionem.

Venientem ad nos venerabilem fratrem nostrum Alvisum episcopum vestrum debita charitate suscepimus, ipsumque cum gratia sedis apostolicæ et litterarum nostrarum prosecutione ad vos duximus remittendum. Universitati itaque vestræ per præsentia scripta mandando præcipimus quatenus eum benigne recipiatis et honeste tractetis, eique tanquam proprio pastori et animarum vestrarum episcopo obedientiam et reverentiam humiliter deferatis, ad recuperandas quoque possessiones Ecclesiæ, quæ distractæ sunt, et pacem reformandam ac raptos coercendos, sicut boni ac devoti filii, ei auxilium unanimiter præbeatis.

B Data Compendii xiv Kal. Julii.

XLIX.

Gualtero abbati S. Vedasti præcipit ut Alvisio episcopo Atrebatensi obediat.

(Anno 1131, Jun.)

[BALUZ., *ubi supra*, p. 164.]

INNOCENTIUS episcopus, servus servorum Dei, dilecto filio GUALTERO abbati Sancti Vedasti, salutem et apostolicam benedictionem.

In sede justitiæ a Domino constituti ita auctore Domino debemus nostra defendere ut unicuique Ecclesiæ sua jura serventur. Juxta paternorum quoque canonum sanctiones non tantum a nobis convenit quod potestatis est fieri, sed potius quod rationis ordo exigit singulis exhiberi. Hujus ergo considerationis intuitu dilectioni tuæ per præsentia scripta mandamus et mandando præcipimus ut quemadmodum per prædecessorum nostrorum Urbani, Paschalis, Calixti, Romanorum pontificum, privilegia statutum est, et per nos ipsos postmodum innovatum, venerabili fratri nostro Alvisio Atrebatensi episcopo canonicam subjectionem et obedientiam deferas.

L.

Ad Hugonem Rothomagensis episcopum. — Petit pecuniarum subsidia corrogari ad reparandam Noviomensem ecclesiam, incendio cum domibus episcopi et canonicorum combustam.

(Anno 1131, Jun. 27.)

[D BOUQUET, *Recueil*, tom. XV, p. 372.]

INNOCENTIUS episcopus, servus servorum Dei, venerabili fratri HENRICO [corr. HUGONI] Rothomagensi archiepiscopo, episcopis et dilectis filiis abbatibus, clericis, baronibus, et aliis Dei fidelibus per Rothomagensis provinciam constitutis, salutem et apostolicam benedictionem.

Utilis est et gratiosa admodum videri debet apud genus humanum hæc commutatio, ubi pro temporalibus æterna, pro transitoriis immutabilia conferuntur. Dator enim et remunerator omnium bonorum Dominus, sub cujus jurisdictione et dominio omnia concluduntur, bonam voluntatem irremuneratam non deserens, de plenitudine abundantie sue pro minimis maxima, et pro terrenis præbere cœ-